




REPUBLIKA E KOSOVES/REPUBLIKA KOSOVA/REPUBLIC OF KOSOVO	
AGJENCIA KUNDËR KORRUPSIONIT	
AGENCIA PROTIV KORUPCIJE ANTI-CORRUPTION AGENCY	
Dep. Dep. 2-D/DPK	Nr. Prot. Br. Prot. 01-3857/14
Nr. I faq. Broj stranica 02	Data Datum 30.10.2014
Nr. pages	Date
PRISHTINË	



Republika e Kosovës
Republika Kosova - Republic of Kosova

AGJENCIA KUNDËR KORRUPSIONIT
AGENCIA PROTIV KORUPCIJE
ANTI - CORRUPTION AGENCY

Duke u bazuar në nenin 11 paragrafi 1.1, nenin 5 paragrafi 1.5 dhe nenin 18 paragrafi 10 dhe 11 të Ligjit nr. 03/L-159 për Agjencinë kundër Korrupsionit si dhe nenin 24 paragrafi 11 dhe 12 të Rregullorës së Punës të Agjencisë kundër Korrupsionit, Drejtori i Agjencisë kundër Korrupsionit me datë 29.10.2014, nxjerr këtë:

V E N D I M

I, Mbyllet rasti me Nr. AKK-03-3146-14 për z. Jonuz Kastrati – Këshilltar në Asamblenë komunale në Malishevë, për shkak se; nuk ka konflikt interesi në ushtrimin e funksionit publik.

Por, zyrtari i lartë Kastrati mund të gjendet në situatë të konfliktit të interesit “rast për rast”. Në raste të tilla, sipas ligjit, z.Kastrati obligohet ta deklaroj atë dhe të tërhiqet nga vendimarrja.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Rasti i hapur nën dyshimin e bazuar për Konflikt Interesi në ushtrimin e funksionit publik, nr. AKK-03-3146-14, për Zyrtarin e lartë, z. Jonuz Kastrati –Këshilltar në Asamblenë komunale në Malishevë, është trajtuar sipas procedurës së paraparë ligjore, për Parandalimin e konfliktit të interesit në ushtrimin e funksionit publik (Ligji Nr. 04/L-051).

Në rastin me numër protokoli AKK-03-3146/14, të dyshuar për ekzistimin e konfliktit të interesit në ushtrimin e funksionit publik, pas procedurës së shqyrtimit, kemi konstatuar se nuk ka pasur prova të mjaftueshme që argumentojnë gjendjen e konfliktit të interesit.

Zyrtari e lartë, z. Jonuz Kastrati (Këshilltar në Asamblenë komunale të Malishevës) duke ushtruar edhe pozitën zavendës drejtor në shkollën “Qendra e Kompetences” në Malishevë, nuk ka konflikt faktik i interesit, pasi që ligji këtë nuk e ndalon.

Specifik në këtë është Ligji për Vetqeverisjen lokal i cili në nenin 65 paragrafi 2 shprehimisht thotë:

“Drejtorët komunal, drejtorët e institucioneve dhe ndërmarrjeve nën autoritetin e komunës dhe nëpunësit civil të administratës së komunës nuk mund të jenë anëtar të Kuvendit të Republikës së Kosovës apo Kuvendit të komunës, në komunës ku ata punojnë”.

Ushtrimi i këtyre funksioneve mund të sjell eventualisht ndonjë situatë të konfliktit të interesit “rast për rast”, por, në bazë të Ligjit për Parandalimin e konflikt të interesit Neni 13 paragrafi 1, në këto situata zyrtarja është i obliguar që të bëjë deklarin paraprak, rast për rast të interesave të saj private.

Kjo është e rregulluar me Nenin 13, paragrafi 1 në të cilin shprehimisht thuhet: “Çdo zyrtar i lartë gjatë ushtrimit të funksionit publik, në bazë të njohurive të tij dhe me mirëbesim detyrohet që të bëjë vet deklarin paraprak, rast për rast, të ekzistencës së interesit të tij privat lidhur me vendimmarrjen në një çështje të caktuar, që mund të bëhen shkak për lindjen e një konflikti të interesit”.

Deklarimi “rast për rast” i interesave private bëhet çdo herë nga zyrtar i lartë, kur kjo kërkohet nga eprori ose nga institucioni mbikqyrës. Deklarimin si rregull duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi duhet të kërkohet të bëhet sa më shpejt që të jetë e mundur. (Neni 13, paragrafi 2).

Vet deklarimi si rregullë bëhet me shkrim, kur zyrtari i lartë përfshihet në një vendimmarrje për ndonjë çështje të caktuar (Neni 13 paragrafi 3 i Ligjit Nr. 04/L-051).

Konflikti i interesit për anëtarët e Kuvendit komunal është i rregulluar edhe me Statutin e Komunës së Malishevës. Konkretisht në nenin 22 paragrafi 3 dhe 4 shprehimisht thuhet:

22.3 Secili anëtar duhet të tërhiqet vullnetarisht nga procesi i marrjes së vendimeve dhe nga procedurat administrative, kur konsideron se ato mund të çojnë deri te konflikti i interesave.

22.4. Anëtarët e Kuvendit të Komunës nuk mund të punësohet në asnjë vend brenda administratës në Kuvendin e Komunës, nëse paraprakisht nuk ka hequr dorë, nga pozita e Anëtarit të Kuvendit të Komunës.

II. Në pajtim me nenin 18 paragrafi 11 të Ligjit nr. 03/L-159 për Agjencinë kundër Korrupsionit. Agjencia mund të rihap rastin në çdo kohë nëse paraqiten rrethana të reja.

Andaj u vendos si në dispozitiv të këtij vendimi.

Vendimi iu dërgohet:

- Zyrtari i lartë publik
- Drejtorit të DPK-së
- Z./znj. (zyrtari përgjegjës)
- Z./znj. (zyrtari ndihmës)

Drejtor i Agjencisë kundër Korrupsionit

